

Voces de Queempostela

Boletín Mensual
de Información

Nº24 XANEIRO 1999

Editado polo
C.G.C.

Galiza

Festa de Entroido

Co gallo das festas do Entroido o CGC e mais o Bo.Ga. van celebrar unha festa na discoteca Factoría (rua Gómez Ulla) de Santiago. Será o dia 12 de Febreiro a partir das 23:00 horas. Como en festas anteriores, contará-se coa actuación de várias drag-queens xa coñecidas en Compostela, así como coa presenza de Cocó Glamour, procedente de Pontevedra. Tamén haberá sorteos. Esta festa estará esponsorizada pola tendo erótica Afrodita. Se queres actuar ou participar na festa dalquen xeito pon-te en contacto co CGC ou co Bo.Ga. o antes posible!

Máis agresións homofóbicas na Coruña

Nas pasadas semanas volveron-se producir máis agresións homofóbicas nos Xardins de Méndez Núñez da cidade da Coruña. Como noutras ocasións, a atitude da policía foi a de tentar evitar a apresentación das denúncias, chegando mesmo a se mostrar das vítimas. A asociación homosexual da cidade, Mil-Homes, chamou a atención sobre o sucedido nos meios de comunicación.



Xornadas de reflexión interna

O CGC decidiu organizar unhas xornadas de reflexión interna para analizar polo miúdo o feito nos últimos anos pola sociación e, más en concreto, a sua evolución. Asimismo, tamén se tratarán as liñas de actuación básicas para os vindeiros anos. As xornadas tamén estarán abertas á participación das voluntárias do Bo.Ga. xa que durante estes dous últimos anos a colaboración con esta asociación lésbica foi en aumento; xa que logo, unha das cousas que tamén se dicuirá serán as novas posibilidades de colaboración entre as dúas asociacións. As xornadas han-se celebrar cara á primavera deste mesmo ano e xa se está a pensar no lugas de celebración de estas, que será seguramente fóra de Compostela. Se queres achegar alguma proposta ou documento de discussión para as xornadas, pon-te en contacto co CGC.

Taller de sexo seguro

Tamén para esta primavera se está a organizar un taller de sexo seguro que estará aberto a todas aquelas persoas que desexen participar. Polo de agora ainda se está a pensar nas persoas que poden levar as actividades do taller. Con esta actividade pretende-se incidir na necesidade de realizar prácticas sexuais seguras ante a transmisión das enfermidades de transmisión sexual (ETS), especialmente da sida. Se queres participar no taller ou realizar alguma actividade para o mesmo, ponte xa en contacto co CGC.

Intervención na Facultade de Económicas

O pasado mes de decembro, un voluntario do CGC interveu nunha aula sobre movementos sociais na facultade de Económicas da Universidade de Santiago de Compostela. Esta colaboración foi posibel ao teren feito un grupo de estudiantes un traballo sobre a economía rosa e as vias de financiamento das asociacións homopsexuais. Está tamén prevista unha intervención na Facultade de Direito, pero o CGC ainda está a esperar dunha confirmación por parte das e dos estudiantes.

Novos carteis

O CGC comezou a pegar por diferentes lugares públicos os carteis da súa nova campaña "Vas entendendo?". Trata-se dunha campaña informativa sobre as actividades da asociación. Nos vindeiros días tense programada unha pegada de carteis na rua.

O Estado Español, entre os más permisivos

O pasado 13 de xaneiro a Fundación Triángulo apresentou en Madrid a versión en castelán dun informe sobre a situación da homosexualidade na Unión Europea no que participaron asociacións de diferentes países e que contou co financiamento da Comisión Europea. Segundo este informe, o Estado Español atopa-se -detrás dos Países Baixos e dos países escandinavos- entre os membros da Unión que posúen unha lexislación máis aberta ao recoñecemento dos direitos das e dos homosexuais. Así e todo, o informe indica que, malaia o alto grao de apoio social -entre un 70% e un 80% da poboación di ser tolerante coa homosexualidade-, no Estado Español ainda non existe unha lexislación que recoñeza os direitos das parellas gais e lésbicas. No informe pensase que isto é debido a unha falata de decisión e acordo entre a clase política. A excepción, unha vez máis, atopamo-la en Cataluña, onde se lleis reconócen xa unha serie de direitos as parellas homosexuais no marco da sua Lei de Familia e sempre dentro do ámbito competencial desta autonomía.

Campaña en Portugal


A ILGA-Portugal está a desenvolver unha campaña de recollida de asinaturas de apoio a un manifesto comun apresentado o pasado 28 de xuño. Con esta campaña pretende-se forzar a discusión na Assembleia da República de varias esixencias das asociacións homosexuais portuguesas. A Ilga-Portugal quer obter as 5000 asinaturas necesarias antes do vindeiro 28 de xuño.

Mais parellas de feito rexistadas en Madrid

Segundo dados da Consejería de Sanidad y Servicios Sociales da Comunidade de Madrid, desde a apertura do Rexistro Autonómico de Parellas de Feito o número de rexistros xa se ten duplicado. As parellas homosexuais, coas da terceira idade e de imigrantes, son as más numerosas. O Rexistro da Comunidade de Madrid abrirose grácies á presión das asociacións homosexuais locais e baixo o goberno do PP presidido por Ruíz Gallardón.

Portugal ratifica o Tratado de Amsterdam

Hai unhas semanas a Assembleia da República ratificou o Tratado de Amsterdam, no que no seu artigo 6º se salienta a necesidade de combater a discriminación baseada na orientación sexual. A Ilga-Portugal distribuíu un pequeno texto de satisfacción entre a prensa ás portas do edificio da Assembleia.



CGL versus Vaticano

A finais do pasado mes de decembro a Coordinadora Gay-Lesbiana acusou o Vaticano de non respeitar os direitos humanos das e dos homosexuais ao condenar este a legalización das parellas homosexuais en Cataluña, França e os Países Baixos no xornal *L'Observatore Romano*, xornal oficial do Vaticano. Segundo a Coordinadora, o Vaticano non ten lexitimidade nengunha para condenar as leis democráticas que recoñecen as parellas non casadas. Esta asociación homosexual insiste no feito de que o Vaticano e mais a Igrexa Católica non son institucións democráticas e, por outra banda, que a condena da homosexualidade non ten nada aver cos evanxeos, nos que -segundo voceiros da CGL- Xesús nunca condenou a homosexualidade.

Celebración en Lisboa

A Ilga-Portugal estivo presente nas comemoracións oficiais portuguesas dos 50 anos da Declaración de Direitos Humanos que se celebraron na Praça do Comércio de Lisboa. A Ilga-Portugal, xunto co Grupo de Traballo Homossexual e a asociación Abraço, divulgaron para a ocasión un comunicado de prensa conxunto no que se publicitaba de novo o Manifesto 98 da

Ilga World pedindo que se teñan en consideración os direitos de gais e lésbicas como direitos humanos.

Mais publicacións homosexuais en Portugal

O Grupo de Traballo Homossexual -integrado no PSR (Partido Socialista Revolucionario)- en contacto co CGC- lanzou a finais do pasado ano número un do seu Boletín, o mesmo que a asociación Opus Gay. Esta última ainda non ten contacto coas asociacións homosexuais galegas, esperemos que se poda producir nos vindeiros meses. Por outra banda, a Ilga-Portugal mellorou e actualizou a súa páxina web.

Seguen as actividades do Clube Safo

O Clube Safo foro lésbico portugués, decidiu continuar as suas actividades neste ano, entre as que se encuentran diversos encontros reservados a mulleres. Así e todo, acordou-se a participación de gais en algunas delas. Con esta medida, o Clube busca o equilibrio entre un espazo feminino e o proceso de maior colaboración entre gais e lésbicas que estamos a viver en todas partes. Nen o CGC nem o Bo-Ga. dispón ainda do enderezo deste Clube.

Nova lei de adopción nos Países Baixos

O goberno neerlandés pretende pasar unha lei que lle permita a adopción ás parellas homosexuais. Esta lei non esixirá rexisto da unión, pero si lle esixirá unha duración mínima de tres anos e a convivéncia dun dos membros da parella co neno ou nena. As nenas e nenos adoptados só poderán ser neerlandeses xa que o goberno non quer entrar en conflito coas axencias de adopción nin coas lexislacións internacionais.

O PACS a debate no Senado francés

O PACS a nova lei francesa que recoñecerá e regulará as parellas de feito, incluídas as homosexuais- aprobouse a comezos do pasado mes de decembro na Assemblée Nationale, a cámara baixa gala. Agora haberá que esperar polo debate e votación no Senado, en marzo, e unha nova votación na Assemblée. A aprobación desta lei esta a levantar unha forte polémica na França, sobre todo por mor da forte oposición da Igrexa e mais das forzas políticas de direita e extrema-direita.

Os direitos homosexuais na agenda da UE

O Comité de Sábios da Unión Europea apresentou en Viena a finais do ano pasado un relatório no que se inclúen unha serie de recomendacións para que a Comisión Europea estableza un Plano de Acción que combatá a discriminación baseada na orientación sexual, así como unha directiva comun de equiparación legal. Nesta decisión do Comité tivo moito peso o traballo da Illga-Europa, que non deixou de manter entrevistas con diferentes membros da administración da Unión.

Londres fai-lle un monumento a Oscar Wilde

Inaugurouse en Londres un monumento cunha escultura de Oscar Wilde grácies a unha subscrición popular que posibilitou o financiamento da obra cunha recadación de algo máis 240.000 euros. A estatua de Wilde erixiu-se nunha rua peonil situada detrás de Trafalgar Square. No acto de inauguración do monumento estiveron presentes o neto e bisneto do escritor e o ministro de cultura británico, Chris Smith, que recoñecera publicamente a sua homosexualidade hai uns anos.

Protesta homosexual na Praza de S.Pedro

O pasado 13 de xaneiro un grupo de 15 gais rendeu-lle unha homenaxe a Alfredo Ormando -que hai un ano se prendera lume para reclamar máis direitos para as e os homosexuais- pousando un ramo de flores no lugar no que se producira a auto-imolación. Sen embargo, a policía, aducindo que a Praza era un lugar de oración, impidiu-lles aos manifestantes a entrada no Vaticano. Finalmente, os axentes deixaron que os activistas pousasen unha coroa de flores pero na liña branca que marca a fronteira entre Roma e a Cidade do Vaticano.

Nace un banco para homosexuais na internet

Steven Dunlap, presidente do Gay&Lesbian Bank, con sede en Pensacola (Florida), anunciou que lanzará hogano o primeiro banco para homosexuais nos EEUU. O obxectivo deste banco é o de ofrecer a gais e lésbicas unha mellor e más cómoda atención, e novos produtos e servizos aos que non se teña acceso noutras entidades. O G&L Bank tamén ofertará através da internet os servizos habituais de contas correntes, aforros e cartóns de crédito así que receba as autorizacións oficiais necesarias. Dunlap, a máis desta expansión en internet, pretende abrir sucursais reais en varias cidades dos EEUU un ano despois da ciber-estrea. Este banco dirixe-se a un mercado de entre 15 e 25 millóns de consumidores e consumidoras homosexuais no país norteamericano

Voda gai no Xapón segundo o rito xintoísta

O pasado 27 de decembro dous homes de 23 e 28 anos casaron en Xapón segundo o rito xintoísta. Esta semella ser a primeira cerimonia deste tipo que se ten celebrado no Xapón. O Sumo Sacerdote xintoísta de Kawasaki anunciou á prensa o acontecemento case un mes despois e indicou que o casamento seguirá estritamente o ritual, incluíndo a vestimenta tradicional masculina. Sen embargo, mália o visto e prace da institución xintoísta, esta e outras uniões que se podan celebrar segundo este rito non han ter polo de agora nengun status legal no Xapón, algo que lamentaba o Sumo Sacerdote xintoísta.

Decepción de Ingham e declaracóns do Papa

Michael Ingham, o bispo canadiense da igrexa anglicana de New Westminster e coñecido por simpatizar co movemento homosexual, expresou o pasado 17 de xaneiro a sua decepción pola decisión final do sínodo da súa diócese de non celebrar vodas homosexuais. No sínodos, 179 delegados das 80 parroquias que forman a diócese votaron en contra, mentres que 170 o fixeron a favor. Esta vitória tan axustada do non fai que Ingham pense convocar unha nova votación do sínodo para dentro de dous anos. O bispo anglicano, que podía tomar a decisión de seu, quere que esta sexa apoiada por unha maioria do sínodo para evitar posíbeis conflitos internos. Deste xeito, para o 2001 espera-se que a Igrexa Anglicana de New Westminster comece a celebrar vodas homosexuais e sexa a primeira en celebrar este tipo de cerimónias no Canadá e no conxunto das igrexas anglicanas do mundo. Outras igrexas desta confesión cristiá -como a de Inglaterra- están a debater nestes momentos a posibilidade de se abrir definitivamente ás e ós homosexuais. Pola súa banda, o líder da Igrexa Católica, Xoán Paulo II, volvió declarar este mes que o matrimonio entre persoas do mesmo sexo é incongruente e que constitúe un grave deterioro do senso natural e relixioso do matrimonio. A resposta das asociacións homosexuais dos países de maioría católica non se fixo esperar...

Anúncios de Balde

Contactos

✿ Busco un home para amizade e o que veña logo. O físico non é o máis importante, pero si a honestidade e a sinceridade. Zona de Galicia. Eu teño 32 anos, son moreno, ollos castaños, 1'61 m., corpo xeneroso. Amais de ser pasivo a tope, gusto de cocinar e das plantas, pero tamén me gusta ir de marcha. Busco e dou cariño e comprensión. Absterse bromistas ou curiosos. Escríbeme á Rúa Belvís nº7 baixo, 15703 Compostela

✿ Me llamo José, vivo en Madrid, 36 años, 1'70 m., 60 kg., Interesado en: música, cine, historia, idiomas, naturaleza. Me gustaría contactar gente 27-42, con intereses similares. Jose, Apdo. 50205, 28080 Madrid.

✿ Soy Lucía, tengo 18 años, piel blanca, pelo negro, ojos pardos, 1'65 de estatura. Deseo correspondencia con personas de todo el mundo. Dirección: Lucía Loria González/C. Central km.12 #11801/CP 19180 C.Habana /Cuba. Tf: 91-40-60.

✿ Carlos. 39 años, 1'70 m., 75 kg., moreno, ojos azules, pelo corto, sano y discreto. Busco tío entre 22 y 40 años, simpático y tierno para amistad y SSR. Abierto a sugerencias. Sólo gente sana y discreta. Apartado de correos 2093 / 15780 Compostela.

Lembra, anunciar-te nesta sección do Voces de Quempostela é totalmente gratis. Non só podes pónr anúncios de contactos, tamén caben aquí mensaxes nas que se busca vivenda, intercambios, ofertas ou demandas de trabajo, etc... Pode anunciar-se toda a persoa que o queira, non só gais e lesbianas! Só tes que enviar o texto (clarino) do teu anuncio por correo electrónico ou ao apartado de correos do CGC. Se queres, tamén o podes entregar en persoa no local do colectivo nas horas de permanencias. Anúnciate e anúnciate !!!



Asociacións homosexuais da Galiza

Colectivo Gai de Compostela

Local: Rua Entremuros, 16B, Baixo, Compostela.
Permanéncias, luns, mércores, xoves e venres de 20:30 a 21 horas. Reunión semanal, martes ás 20:30 horas.
Correo: Apdo. 191 / 15780 Compostela
Correo electrónico: gacompos@hotmail.com
Páxina Web: www.geocities.com/westhollywood/9463

BOGA - Colectivo de Lesbianas de Galicia

Correo: Apartado 2169 / 15780 Compostela
Correo electrónico: lesbicompos@hotmail.com
Teléfono: 919-34-67-53

Mil-Homes, Grupo Gai da Coruña

Correo: Apartado 24 / 15080 A Coruña

GALEGA (Gais e Lesbianas de Galicia)

Correo: Apartado 665 / 27001 Lugo
Teléfono: (982) 24-45-60, extensión 1

CGLOu (Colectivo Gai e Lésbico Ourensán)

Correo: Apartado 162 / 32003 Ourense
Local: Dr. Fleming, nº 43 - Soto. Reunión semanal: venres de 10 a 13 h.
Correo electrónico: c glo@lettera.net